


Zaubereiprozess gegen die Pape und die Bodekersche in der Stadt Hannover  
1504

Anno du(enth) si(nt) v(hundert) unn IIII

1504

Ithm des mandages na vnser leuen fruwen dage der Krutwiginghe wert gherichtet vnn vor ordelt Greteke Pape alias Wissel vnn de Bodekersche dat men se scholde beyde beruen vme orer touerige willen de se beghan hadden vnn worden do sulwes up de scriuerie ghetrekett van des rades knechten vnn bichteden ore sünde vnn worden de berichtet myt dem werden hilgen facramente vnn worden do wedder in de hechte set, wente des mytwekens do worden se ghebrennt Ithm Greteke Pape bekande an gherichte dat se der früwen hefft gheholpen de to Pattensen ghebrant is dat se dem Papen hadden de touerie vnder den sul grawen in eynen scheruen dar hadde inne wesen cmpten vnd vützen vnn poggen vnn andere touerie also dat vorgynck so scholde de Pape ock vorgan vnn se sint beyde uth Greteken huse gan in nachtslapener tid na des Papen hus dar se dat gegraüen hebben vnder den sül

Ithm de Boderkersche bekande dat se hebbe ghegoten water in Cort Dickmans hofft dat ome sine verde sint affgheuallen vnd steruen ok hefft se ohme dat wedder benomen vnd hefft misse lesen laten dat id ome wedder vorghan scholde Ithm ok hafft se bekannt dat se Kreuen hefft water vnde ander touerie in sin hus ghegoten dat he ghequelet hefft vnn to dem lesten ghestoruen is// ock hefft se bekannt dat se Hinricke Venneberge hefft in sinen hofft touerie gheworpen dat he ock ghequelet hefft, vnd ock to dem lesten ghestoruen is van orer touerige wegen // ffoget Peter Werneke richteheren Cort Beruus Hermen Dickman sichkendn des rades Dick Vamsode Gherlich Lathusen vnd de sworn alle

Trankribiert von Dirk Völkening

Wiedensahl 2017